

INUIT ATAQATIGIIT INATSISARTUNI



UPA 2024/ 17

23.05.24

Marita Jessen

Uunga siunnersuut Naligiissitaaneq assigiinngisitsinnginnissarlu pillugit Inatsisartut inatsisaat

(Inuutissarsiornermut, Niuernermut, Aatsitassanut, Inatsisit
Atuutsinneqarnerannut Naligiissitaanermullu Naalakkersuisoq)
Aappassaaneerneqarnera / Pingajussaaneerneqarnera

Oqaaseqaat:

Inuit Ataqatigiit pingaartitatta ilagivaat inuit pisinnaatitaaffiinik
siuarsajuarnissaq ataaqqinninnissarlu. Ukiortpassuarni inuit pisinnaatitaaffii
pillugit sorsuuteqartarsimaqaagut; piffiit ilaanni kiserliornarsinnaasartumi.

Taamaammat una siunnersuut Inuit Ataqatigiinniit tullusimaarluta
oqiliallatsitsisimaarlatalu taperserparput.

Kalaallit Nunatsinni pingaaruteqarluarmat inuk kinaluunniit
inissaqarsinnaasariaqartoq. Inatsisissarlu una toqqammaveqalersitsissagami, inuup
Inatsimmik illersorneqalernissaanut.

LGBTQIA+ pillugu INUIT PISINNAATITAAFFII PILLUGIT SIUNNERSUISOQATIGIIT,
INUIT PISINNAATITAAFFIINUT INSTITUTI aammalu SIPINEQ+ 2024-mi
saqqummersitsipput, ateqartoq:

KALAALLIT NUNAANNI LGBTQIA+-IUNEQ.¹ Tassanilu atuarneqarsinnaavoq
inatsiseqalernissaq qanoq pingaaruteqartiginersoq.

INUIT PISINNAATITAAFFII PILLUGIT NUNARSUARMIOQATIGIINNUT NALUNAARUT:
imatut allassimasoqarpoq:

“Artikel 2 Kinaluunniit taakkuninnga pisinnaatitaaffinnik
kiffaanngissuseqarnernillu, nalunaarummi maani taaneqartunik, sutigulluunniit
assersuutigalugu sumiuussuseq, ammip qalipaataa, suaassuseq, oqaatsit,
politikkikkut allatigulluunniit isignerriaaseq, peroriartorfik, pigisat, inunngorfik

¹ [LGBTQIA GR WEB NY.pdf \(humanrights.gl\)](#)

inuaqatigiinniluunniit atorfik pissutigalugu immikkoortitsinertaqanngitsumik, peqarsinnaatitaavoq.”²

Aammattaaq Inuit innarluutillit toqqammaveqalissammata soorlumi allassimasoqartoq Inuit innarluutillit pisinnaatitaaffii pillugit Naalagaaffiit Peqatigiit isumaqatigiissutaat: Artikeli 4 Nalinginnaasumik pisussaaffiit

“1.Naalagaaffiit isumaqatigiissummi peqataasut imminnut pisussaatipput Inunnut innarluutilinnut tamanut, innarluuteqarnerannik pissutilimmik assigiinngisitsinatik, inuit pisinnaatitaaffiinik aamma kiffaanngissuseqarnissamut tunngaviusumik pisinnaatitaaffiinik tamanik tamakkiisumik piviusunngortitsinissamut qulakteerinninnissamut ineriartortitseqqinnissamullu..... c) politikkini aaqqissuussinernilu tamani inuit innarluutillit inuttut pisinnaatitaaffiisa illersorneqarnissaasa siuarsarneqarnissaasalu isiginiarnerunissaat,”.³

Inuk kinaluunniit immikkoortitaannginnissamut pisinnaatitaaffeqarnera naqissusernissaa pingaaruteqarluinnarpooq,

Imaanngilaq inuk innarluuteqarpat sulisinnaanngitsutut naliligaassasoq, inuaqatigiimmi nalimmassartussaammata, inuit innarluutillit inooqataanissaanut periarfissinniarlugit.

Aamma arnap naartunera peqqutaalluni immikkoortitaasussaanngilaq, meerartaarusuttut akimmiffeqarnatik sulerusukkunik sulisinnaatitaapput.

Inuk suaassutsimi qanoq ittuunera, suaassutitigut kinaassusaa peqqutaalluni inuaqatigiinniik immikkoortitaanissa nakkarsarneqartarnissaak akuerineqarsinnaanngilaq.

Una inatsisissaq toqqammaviuvoq inuk kinaluunniit tarnikkut timikkulluunniit immikkoortinneqartarnerannut toqqammavissaq.

Inuup inuaqatigiinniik allatut pineqarneq immikkoortitaanerlu aqquaaraangamiuk, ilukkut tarnikkut ikilerneqartarmat. Tamatta inooqataanissarput pingaaruteqarluinnarmat, inuusinnaatitaanissarput inuaqatigiinni pingaaruteqarluinnarmat, Inuit Ataqatigiinniik nuannaarutigaarput inuit ilaannaat illersugaanatik inuit tamarmik illersorniarlugit Inatsiseqalernissaq anguniarneqarmat.

Kikkummi tamat illersorneqarnissaat inatsimnilu toqqammaveqarnissaat assigiinngisitsinerup akiorniarlugu pingaaruteqarluinnarmat.

Inuit tamatta naligiippugut annerusoqarani minnerusoqanngilaq, piginnaasatigut sapinngissuserput assigiinngissitaartuuvoq, tamatta immitsinnut atorfissaqartilluinnartuunitsinnik ersarissuutitsisarpoq, tamatta

² [KAL_Inuit_pisinnaatitaaffii_pillugit_nunarsuarmioqatigiinnut_nalunaarut.pdf \(humanrights.gl\)](#)

³ https://www.tilioq.gl/media/wbvdm2wa/fns_handicapkonvention_kal-1.pdf

assigiinngissuserput ataqquinartuullunilu atorluagassaavoq, kikkut tamarmik Nunatsinni atorfissaqartippagut aallaavimmillu tamatta pisinnaatitaaffeqarnitsigut inatsit pingaaruteqartorujussuuvoq innuttat ersarissumik assigiimmik pineqarsinnaanissartik pisinnaatitaaffeqarnissamik pisariaqartitsivugut.

Iluarisimaarpalput; inuk kinaluunniit immikkoortitaasutut assigiinngisitsinermilluunniit nalaataqartutut misigisoq naammagittaalliorssinnaalissaq, taamaaliornikkullu assigiinngisitsisoqarnersoq assigiinngisitsisoqannginnersorluunniit naqissusertissinnaalisallugu.

Naggasiutigalugu oqaatigissavarput; maluginiaratsigu Naalakkersuisut pingajussaaneerinninnissamut allannguutissamik siunnersuuteqarumaartut. Allannguutissatut siunnersuuteqarnikkut naqissuserneqarumaartoq Naligiissitaaneq assigiinngisitsinnginnissarlu pillugit Inatsisartut inatsisissaata sulisussarsiornermi kalaallisut oqalussinnaanissamik piumasaqarsinnaaneq mattunneqassanngitsoq. Tamanna iluarisimaarpalput; Naalakkersuisullu sulilluaqqinnissaannik kissaallugit.